



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 85. Legati a Papa minus benigne excepti.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

duni possidebant, bona eripi præcepit. Ceterum Oratores Galli Florentia excedentes Ferrariam contendunt, quos Hercules Estensis hujus Ducatus Princeps haud vulgari honorum significatione excepit, omnibus eorum postulatis ultro annuens. Haud segnius Joannes Bentivolius Bonnoniæ Præfectus quamcunque opem Gallis spondit, suosque quatuor filios Francorum stipendia mereri iussit. Auxilium etiam obtulit Senensium Respublica, ea tamen lege, ut non ante Gallici exercitus adventum initi foederis consilia prodere tenerentur, veriti, ne a Florentinis supprimerentur, quod & eorum votis datum est.

Sæcul. XV.
A.C. 1494,

§. LXXXV.

Legati a Papa minus benigne excepti.

Ultimo res maximi momenti Gallis visa est, ut Pontificem, licet parum firmæ fidei esset, ad sua studia certo pertraherent. Hanc ob rem Albinus Papam, quem nuper cum Alphonso foedus sanxisse ignorabat, importunius urget, ut adimpleret ea, quæ tunc pollicitus esset, dum Ludovicum Ducem, ut Galliarum Regem ad superandas alpes induceret, stimulaverat. Ast Pontifex

Ora-

Sæcul. XV.

A.C. 1494.

Oratorum dicta inficiabatur, nec tamen eis omnem illa, quæ postulaverant, impetrandi spem ademit, dixisse contentus, Apostolicæ Sedis jura in Neapolis regnum certa esse, proin sperare se, Carolum primogenitum Ecclesiæ filium ea haud læsurum, se autem Alphonso investituram concedendo nonnisi Prædecessorum suorum exemplum fuisse secutum, a quibus ejusdem Pater, avusque in eo jure confirmationem accepissent; igitur haud amplius in suo arbitrio positum, ut ea, quæ una manu concessisset, altera denuo auferret, donec invite demonstraretur, quod triplex hæc inauguratio omnino nulla fuerit; ad hoc etiam sacram Sedem fuisse compulsam, eoquod Florentinis Alphonso adherentibus, Ecclesiæ patrimonium tam hujus quam illorum incursibus expositum pateret. Verbo, ajebat se communis Patris nomine, ac debito esse obstrictum, ut ad neutrius partis studia inclinaret, sicque pacem utriusque procurare sibi semper reliquum esset. Hoc Pontificis responso Oratores parum contenti, indignationem suam haud dissimularunt, sed misso in Franciam nuncio Legationis seriem exposuerunt, ut ibidem, quid agendum, decerneretur.

§. LXXXVI.